


Edizione diplomatica




B. de ue(n)tador(n).

Can la dossaura uenta. deues nostre pais. m(e)s

ueiaire quieu senta. odor de paradis. p(er) amor de la genta

uas cuy yeu soi aclis. on ai messa mententa. e mon coratia

sis. car de totas partis. mon cor tan matalenta.



Si lo ioi q(uem) prezenta. sos esgartz el clar uis. ia res pus
nom cossenta. sim deu au(er) co(n)q(ui)s. no sai q(ue) uos e(n) me(n)ta. q(ue)
de res no soi fis. mas greu er q(uem) repenta. p(er) una uetz q(uem) dis.
q(ue) bos homs sa fortis. el maluatz sespauenta.

Image not found

https://letteraturaeuropaea.let.uniroma1.it/?q=sites/default/files/styles/661/public/R%20%284%29_11.jpeg&itok=QALQAchy

Dona

q(ue) cuiatz faire de mi q(ue)us am (ta(n))[1]. p(er) q(uem) faitz ta(n) maltraire ni
murir deziran. a franca de bo(n) aire. fetssetz mu(n) bel sembla(n).
tal don mo(n) cor sesclaire. pel mal q(ue) trac tan gra(n). e noi dei
au(er) dan. car no men pueſc eſtraire.

[1] Aggiunto in interlinea.

Image not found

https://letteraturaeuropaea.let.uniroma1.it/?q=sites/default/files/styles/661/public/R%20%285%29_12.jpeg&itok=_5woJvZM

De donas mes uei-

aire. q(ue) gra(n) falhime(n) fan. de so car no son gaire. amat li fin-
aman. mas yeu no(n) dei retraire. mais so quelas uolran. ta(n)
greu mes q(ue) trichaire. aia ioi ab enian. o pus o atrestan. co(m)z
sel q(ue)s fis amaire.

Image not found

https://letteraturaeuropaea.let.uniroma1.it/?q=sites/default/files/styles/661/public/R%20%286%29_12.jpeg&itok=mcxBte3i

Si no fos gen uilana. e lauze(n)gier

sauay. yeu agramor s(er)tana. mas nome(n) recreirai. de solas
me(n)s humana. ca(n)t locx es ni seschai. p(er) q(ue) cre q(ue) es mana. e
q(ue)nq(ue)r naurai mai. castrucx soiorne gay. el malastrucx sa
fana.

Image not found

https://letteraturaeuropaea.let.uniroma1.it/?q=sites/default/files/styles/661/public/R%20%287%29_9.jpeg&itok=2PEd9Gcn

Selh soi q(ue) no soana. los bes q(ui) dieus me fay. q(ue)n
eysa la semana. ca(n)t ieu parti de lay. me ditz e(n) razo plana. q(ue)
mos chantars li play. tota ge(n) crestiana. q(ue) es de sotz lo ray.
uolg(ra) ges ta(n) de iay. co(m)z ieu ses fe(n)cha uana.

- letto 415 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-2153>